

Broj: 08-11-5-5-791-1/26
Sarajevo, 12.03.2026. godine

Na osnovu člana 18. stav (2) a u vezi sa članom 10a. stav (1) tačka f) Zakona o javnim nabavkama („Službeni glasnik BiH“, br. 39/14 i 59/22), i Odluke federalnog ministra finansija-financija broj 08-11-5-5-791/26 od 12.03.2026. godine, Federalno ministarstvo finansija-financija objavljuje

JAVNI POZIV
za nabavku dugoročnog kredita u 2026 – tranša I u iznosu od 50.000.000,00 KM

I Kontekst i svrha

Budžetom Federacije BiH za 2026. godinu planirani su dugoročni primici od domaćeg zaduživanja za izgradnju autocesta, brzih cesta, magistralnih i drugih cesta u ukupnom iznosu od 150.000.000,00 KM. Slijedeći Budžet Federacije BiH za 2026. godinu, Zakon o izvršavanju Budžeta Federacije BiH za 2026. godinu i Odluku Vlade Federacije Bosne i Hercegovine o usvajanju Programa utroška sredstava „Kapitalni transferi javnim poduzećima– Transfer za izgradnju autocesta, brzih cesta, magistralnih i drugih cesta“ utvrđenog Budžetom Federacije Bosne i Hercegovine za 2026. godinu Federalnom ministarstvu prometa i komunikacija normativno, upravno i strateško upravljanje u oblasti prometa i elektronskih komunikacija i pošta, Federalno ministarstvo finansija-financija (u daljem tekstu: „Ministarstvo“) ima namjeru planirano dugoročno zaduženje Federacije Bosne i Hercegovine provesti u tri tranše, svaka tranša u iznosu po 50.000.000,00 KM, prema dinamici i obimu implementacije odobrenih projekata, putem javnog nadmetanja.

II Predmet javnog poziva

Predmet ovog javnog poziva je nabavka dugoročnog kredita - **tranša I** u iznosu od 50.000.000,00 KM, za potrebe finansiranja izgradnje autocesta, brzih cesta, magistralnih i drugih cesta odobrenih Odlukom Vlade Federacije Bosne i Hercegovine o usvajanju Programa utroška sredstava „Kapitalni transferi javnim poduzećima – Transfer za izgradnju autocesta, brzih cesta, magistralnih i drugih cesta“ utvrđenog Budžetom Federacije Bosne i Hercegovine za 2026. godinu Federalnom ministarstvu prometa i komunikacija („Službene novine Federacije BiH“ broj 19/26), po sljedećim uvjetima:

- Valuta kredita: kredit se odobrava u KM, sa valutnom klauzulom u EUR ili bez valutne klauzule, ovisno od preferencije ponuđača
- Naknada za obradu kredita: bez naknade
- Naknada za prijevremenu otplatu kredita: bez naknade
- Ostale naknade: bez naknada
- Način korištenja: jednokratno, isplatom sredstava na Jedinstveni račun trezora FBIH
- Kamatna stopa: fiksna, zaokružena na dvije decimale
- Datumi plaćanja kamate: 15. juni i 15. decembar svake godine
- Rok otplate: 10 godina, uključujući grace period od 12 mjeseci
- Način otplate kredita: u osamnaest (18) jednakih polugodišnjih otplata glavnice, 15. juni i 15. decembar svake godine
- Instrumenti osiguranja: mjenice (troškove mjenica snosi banka)

Pravo učešća u postupku javne nabavke dugoročnog kredita imaju banke sa sjedištem u Bosni i Hercegovini koje imaju dozvolu za rad izdatu od Agencije za bankarstvo Federacije Bosne i Hercegovine ili Agencije za bankarstvo Republike Srpske.

III Sadržaj ponude

Ponuda mora biti dostavljena na memorandumu banke i obavezno sadržavati ponuđenu fiksnu kamatnu stopu zaokruženu na dvije decimale, ime i prezime kontakt osobe, email i broj telefona kontakt osobe, rok valjanosti ponude koji ne može biti kraći od 60 dana od isteka roka za dostavu ponuda, te biti potpisana od strane ovlaštene osobe. Uz ponudu obavezno se prilažu sljedeći dokumenti:

1. Indikativni otplatni plan
2. Nacrt mjenične izjave/a
3. Nacrt Ugovora o kreditu
4. Izjava o zajedničkoj ponudi (ukoliko ponudu dostavlja grupa ponuđača)

Polazni elementi za izradu indikativnog plana otplate kredita su:

- datum isplate kredita: 15.06.2026. godine
- datum početka otplate kredita: 15.06.2027. godine

Nacrt ugovora o kreditu mora biti sačinjen prema uvjetima iz ovog javnog poziva.

IV Način podnošenja ponuda

Ponude se dostavljaju u pisanom obliku na memorandumu banke u zatvorenoj koverti putem pošte ili neposredno na Protokol Ministarstva, na adresu: Federalno ministarstvo finansija- Federalno ministarsvo financija, Mehmeda Spahe br. 5, 71000 Sarajevo, sa naznakom „NE OTVARATI - Ponuda po javnom pozivu za nabavku dugoročnog kredita - tranša I“ s nazivom ponuđača i to najkasnije do 15.05.2026. godine do 12:00 sati. Ponude primljene nakon isteka roka određenog za prijem ponuda neotvorene se vraćaju ponuđaču.

Javno otvaranje i čitanje ponuda obavit će se 15.05.2026. godine u 13:00 sati, u prostorijama Ministarstva (sala 208), Mehmeda Spahe br. 5, Sarajevo. Ponuđači ili njihovi predstavnici, kao i sve druge zainteresovane osobe mogu prisustvovati otvaranju ponuda.

V Kriterij za odabir ponuda

Najniža kamatna stopa.

Ukoliko budu dostavljene dvije ili više ponuda sa istom najnižom kamatnom stopom, prednost će se dati ponuđaču čija je ponuda zaprimljena ranije.

Sa ponuđačem čija ponuda bude prihvaćena kao najpovoljnija Ministarstvo će pregovarati o ugovoru o kreditu u kojem će se utvrditi međusobna prava i obaveze. Zaključivanje ugovora o kreditu uvjetovano je saglasnošću Vlade Federacije Bosne i Hercegovine.

VI Ostale informacije

Ovaj javni poziv ne stvara obavezu Ministarstvu da prihvati bilo koju ponudu. Ministarstvo zadržava pravo da prihvati ili odbije bilo koju ili sve ponude, bez pisanog obrazloženja.

Bilo koje pitanje vezano za ovaj javni poziv treba da se dostavi putem emaila na sljedeću adresu senad.dropic@fmf.gov.ba.

Javni oglas se objavljuje u dnevnim novinama „Dnevni avaz“, „Večernji list“, i „Oslobođenje“, kao i na web stranici Ministarstva www.fmf.gov.ba.

